

D U C A T U S B E R G E N S I S.



Principes.

Vcatus Montensis si-
ve Bergensis nominis
appellationem habet
à Bergo oppido. Ab
inferiore Vefalia prin-
cipium capit, & jux-
ta Rheni adscenden-
tis ripam satis longo
latoque spatio exten-
ditur. Origo Principi-
pum arcessi solet à duobus fratribus, qui ab
Henrico aucupe Romanorum rege, ob præstita
illi officia, hac regione donati sunt. In qua fra-
trum natu maximus, Adolphus castellum con-
struxit prope Comitatum Arnsperg; nomina-
vitque illud Volveshegh: & temporum succes-
su non parum cultiorem reddidit terram illam
per circuitum, oppidis vicisque eam exornans.
Alter frater Eberhardus nomine construxit & ipse
castellum, appellavitque illud Aldenburg. In-
valescentibus indies fratrum opibus potentiaq;
Adolphum Comitem creavit Rex, ditionemq;
Comitatum fecit, qui dictus fuit Comitatus de
Altena. Etiam Eberhardi ditio Comitatus Ber-
gensis titulo insignita ab eodem fuit. Paulo
post, cum monasticam vitam amplexus esset
frater Eberhardus, fratri ditionem suam tradi-
dit, & constructo ad fluvium Dune monasterio,
Abbas in eo factus est. Ab Adolpho & poste-
ris ejus descenderunt Comites isti: Engelber-
tus, Adolphus, Engelbrechtus, Adolphus. Hic
verò cum improlis decessisset; cessit Comitatus
Bergensis filio sororis suæ, nempe Gerardo Co-
miti Iuliacensi. Post eum utrique ditioni præ-
fuit filius Guilielmus, & post hunc Gerardus;
inde Gerardo natus Guilielmus. Huic successit
filius Guilielmus Dux primus Iuliacensis, Ber-
gensis, & Dux Gelriæ. Quem excepit successor
Rainoldus, mortuus anno 1423. Mansitque post
hæc tempora ditio Montensis apud Duces Iu-
liacenses. Sunt, qui volunt Comitatum Mon-
tensem erectum eo tempore, quando Henricus
Superbus exautoratus fuit à Frederico I. An-

no vero 1336 fecit Carolus I V ex Comitatu
Marchionatum, Wencefflaus filius in Duca-
tum erexit.

Oppidulum hic videas *Essendiam*, dictum *Essen*, *Oppida.*
in quo Alfridus I V, Hildesheimensium præsul
cœnobium monialium virginum exstruxit, in
quo sub unius Abbatissæ moderamine 52 virgi-
nes alerentur, & 20 insuper Canonici sub ejus
loci Decano canonicam vitam agerent. Gaudet
Abbatia hæc asyli privilegio. Ager frumenti &
tritici præstantissimi ferax. Nec alium facile re-
perias locum, in quo plura conficiuntur sclope-
ta. Fontibus abundat, & atro carbonario lapide,
quem territorium vicinum suppeditat, potif-
simum verò, qua Steltium est, ad Ruram am-
nem oppidum. Præfecturas habet plurimas,
Blanckenborch, Leeyenberg, Huickefswagen, Bornfelt,
Saligen, Lantzberg, Dusseldorp, Steinbach, Byenbach,
Meysenlo, Medman, Windeck, Syberg, Nuxwenborg, Portz,
Lulstorff, Monheym, Angermond, Ervelfeldt, Borck.

Dusseldorpium metropolis est Ducatus Mon-
tensis, ab amne Dusselo nomen habens. Ad
Rheni ripam jacet. Sedes est aulæ, & telonium
mercium prætervectarum. Aulæ domus, qua
parte civitatem adspicit, fossa alta lataque mu-
nita est, reliquam partem Rhenus alluit, cujus
in flumen hoc celeberrimum & patentes ulte-
rius terras prospectus est amœnissimus. Conser-
vari hîc solent archiva Ducatus & Cancellariæ.
Basilica tumulos habet Ducum ea templi par-
te, quam chorum vocant. Cœnobium insuper
hîc videas Crucigerorum. Claruit quoque su-
perioribus annis illustri gymnasio, vel schola,
quam patres Iesuitæ exstructo istic collegio re-
staurare cœperunt. Est & hic Capucinatorum
collegium. Regio omnis Colonienfium est hor-
reum, ad quos ter singulis septimanis agricolæ
mercatum veniunt, vendentes ementesque. Sa-
linga fabros habet plurimos & laudatissimos
gladiatorum ac cultrorum. Everfeldia fila telas-
que conficit conficiendis tapetis, quæ Antwer-
piam transvehi solent.

*Dusseldor-
pium.*

